

卷下

幼科錢鏡



幼科鏡卷之四

貴池卓溪夏鼎禹鑄氏手著

受業弟邑庠鐸禹懸

邑庠之日孟然

男

郡痒之雲飛霖仝泰

麻症

夏禹鑄曰痘出於臟麻出於腑麻乃大腸主之毒氣烝肺故發咳嗽先輩書未嘗齒及麻症蓋以其輕而忽之也卻不知表症雖輕毒侵肺腑亦多與鬼爲鄰予經歷甚衆費手居多因



南京中醫藥大學圖書館版權所有

不惜筆力詳著于篇以杜嬰兒痧症之患流行痧症其候燒
熱必發咳嗽聲必稍啞面皮微有腫樣兩腮顏色微紅此皆
兆也如出發不快及不透發或紅點見面偶挾風邪而隱或
醫人不知誤除燒熱隱而不見腹內作痛治之神莫神於天
保采薇湯聖莫聖於天保采薇湯只須一服即發出或有不
盡發者再加一服從末有不效者如肺臟先虛又加大腸毒
氣攻肺面皮像洗薄的式子慘白浮七光七潤七便是肺氣
已絕在精威二穴對拿其聲不出必是死症藥之無濟

有痧方見點隨即收入或瀉青水密非風寒爲害唇色慘白已

氣微上此乃內虛不能送毒不可分利止瀉惟用八珍湯

九以托之外用葱半斤許白酒煎遍身擦之如再不透發

額上稍見些微惟用六君子湯九循七調治自愈

有麻初發熱時心火盛極用尅肺金致麻不出必先用黃連木

通等分服之再用防風荆芥葛根升麻南星枳殼赤芍桑皮

柴胡桔梗甘草煎服之即發

有痢疾兼麻症若麻見點急用香茹桔梗只壳黃連厚朴木通

升麻赤芍車前煎服麻瘡透發而治痢疾此乘輕發重之說

不可不知

木邑陶一公泝玉之子麻症發熱方兩日醫人誤爲除熱麻
伏不出形狀似驚差役請予治面色花雜喘急不嗽必有
毒于太陽穴以口涎擦之皮內隱有紅點知是麻毒內
燒不出用天保采薇湯倍加升麻乾葛一服額上見點色不
紅起面色唇口慘淡無澤知爲內虛卽用固真湯一服通身
發熱陶公驚怖予曰麻非帶熱不出仍服天保采薇湯一劑
通體透發愈此見面色花雜便知內毒之一驗也

培繼樓同學庠友方恒緩一子麻症隱而不出形症甚凶邀
予治見其面色慘白口氣微冷唇舌淡白大便泄瀉卽用八



珍湯一服額稍見點恒緩因姪前痲症殞于泄瀉力迫止瀉
子曰分利更虛不允見口吻間覺以瀉關性命勉強用五苓
散果止而額上紅點卽隱又用十全大補湯內托外用芫酒
烝引卒不透發予值事往郡躡後杜示皮上每發一泡破卽
成黑窟附他醫攻毒方單予札復曰肌肉脾屬破卽成窟乃
脾虛之極何可攻毒惟用六君子湯顧脾爲主果效此望色
審數萬無一失分利虛脾卽此可見之一驗也

思誠堂同學友措大方薪衍第五郎患痲症初醫者不知痲
候用六一散以除燒熱遂予過治見其舌純紫兩唇燥裂大

小二便皆秘聲嘶不已卽用黃連八分木通黃柏各一錢服
下大便刮白如冷痢然在座者口吻覺爲涼劑所致予亦知
附滿志豈臆時苗竅此症獨不相符毫不首鼠問前醫退
所用何劑薪衍曰六一散予便恍覺下元爲六一寒冷所滯
致火不降灼無疑矣隨以炒鹽入熨臍下仍用前味黃連倍
加服之方下大便燥結與黑齏無異可見苗竅辨真治定不
爽之一驗也

一辨傷寒

附寒極似熱

小兒之十指俱冷以三指按額俱熱身壯熱面赤面淡不動必

此傷寒之症也表散法開天門分陰陽推三開體厚則大
發其汗揉太陽并外勞官運八卦推艮入坎症輕推之目愈
重則用元宵火定之體弱隨發汗隨止女反是治用芎蘇飲

六十服之

有寒極似熱者面色紅如水紅桃花口渴而唇不乾燥舌不紅
紫大便青色小便清長此寒極也似熱者因面有紅色口有
渴形故也治之與前法同

如口作渴大便秘小便赤是內有熱而外傷寒也宜先表外而
後清裏爲主表用芎蘇飲六十裏用白茯苓夏陳皮連翹木

通枳壳甘草煎服

木郡田三公祖之公孫方二歲抱風寒燒熱症郡醫見燒有驚悸便作驚症治數日不愈予以三指按額俱熱兒十指俱冷用芎蘇飲一劑雷飲席未解內小童報曰小相公熱退矣此燒有表裏不可不辨之一驗也

于於癸丑科會試 盛京有鑾儀衛正堂許公乃孫方歲半患傷寒症初延太醫院幼科失表後于朝房內予同里員外郎陳是菴道及于于卽日來貴池館親邀往治但見身冷如水痕毛差七色慘晦不知人事知寒邪內伏用天保承薇



湯一劑嘔日夜發熱則明日來治不則莫可如何矣夜果發熱仍用前湯一劑熱又解許曰發熱退熱藥同效異真出奇也予曰尋常症在表感一劑便解如今公孫邪被藥悞伏內昨一劑攻邪七到肌表此見邪自是作熱仍以原方加追一劑表解熱除無甚奇也許曰前是菴脩道年翁乃幼科自肩今若此洵名下無虛矣以百金壽予辭曰晚兩代治救嬰兒從不受謝一文再四面壁更欲

延請入大醫院又辭曰老母在堂晚在都門白雲頻望承盛意心領之可矣許乃止此開門殺賊之一徵也

方伯張存儒初生有公郎抱驚風患初郡中醫作來食用消導劑症加甚後予用半夏四錢生薑一錢防風二錢一服即愈遂拜予爲假父此藥用當而通神之一驗也

予邑張中尊嬖患病邑中醫曾治十餘日不愈會余到邑中尊得聞接余治婢方抱出離座五六步外望見面上光上浮上毫無寶色余曰不須抱近請回中尊問症若何余曰肺氣已絕不可治矣明日果死此望色而知爲死症之驗也

一辨夾食傷寒

小兒十指俱熱我按見額三指俱冷其候身熱或吐或瀉或不



吐瀉口必惡食腹必浮脹拍如鼓聲或作痛是也推法開天
門分陰陽男女同男重揉太陽發汗體弱揉太陰止之
是推上三關三十退腑六七下運八卦重揉艮宮于大指側
旋推補脾曲兒小指重揉外勞于第二指太腸位側推到虎
口以止瀉不瀉不推重按中指一節以止吐不吐不指于
左腳湧泉穴左轉揉之止瀉不瀉不揉少頃右轉揉之止吐
不吐不揉女則右轉右揉止瀉左轉左揉止吐推畢即用燈
火臍輪四焦胸口一焦用水酒麴一枚火煨黃色研末白湯
送下卽愈重則用消導二陳湯十九加柴胡紫蘇等味煎服

卷之四
玠山孝廉方韻皇乃孫發吐燒熱微掣吐輕熱重余子壻方
平壻初業斯道投天保承薇湯一劑不效邀予一見知爲內
傷飲食外挾風邪用藿香正氣散一服卽愈余以湯名曰天
保承薇取其治外治內之意用之不當雖多奚爲在予壻以
爲症屬內傷外感湯屬內外並治渠見不爲非是然不知症
似社鼠城狐重鎮何可輕發此學者之所宜知而宜慎也

一辨腹痛

腹痛臍以上屬火臍以下屬寒其因不一有寒痛熱痛傷食痛
積滯痛氣不和而痛脾虛而痛肝卞乘脾而痛蛔動而痛數

種寒痛則面白口氣冷大便青色小便清利痛之來也遷緩而不速疾綿乚不已痛時以熱手按之其痛稍止肚皮冰冷是也推法曲見小指重採外勞宮推上三閔採臍五十藥用干姜肉桂等分煎熱加木香磨水入服之自愈

熱痛則面赤口氣熱口渴唇紅大便秘小便赤時痛時止痛來迅厲腹形如常不腫不飽彈之不响以熱手按之其痛愈甚肚皮滾熱此真熱也推用下六腑水底撈月蓋熱痛主心脾兩熱用燈心車前伏龍肝加木香磨水稍許入服

傷食痛者必惡食眼胞必浮腫或瀉下酸臭腹必飽脹彈如鼓

聲或身作熱是也如氣不旺者不宜取瀉只用消導二陳湯

十九

積滯痛者今日傷明日傷逐日傷之而滯于脾胃間不以飲食
得其傷不痛既有滯而後以乳食傷碍故痛也面色黃愛氣
醜大便醜臭便後痛減足冷嗜臥不思飲食是也治宜枳壳
兵榔木香下之下後卽以小異攻散干六補之

氣不和而痛者兒下地後或地多濕兒臍受風以裹肚束臍過
緊不知兒體漸長束帶未鬆則上氣不通下氣以故內氣不
和故作痛也審其非寒非熱問其母而臍果有束縛之弊則

氣不和之痛必矣治以木香磨水服之隨用燈火臍輪六焦
臍下氣海一焦心口窩一焦其痛卽止大見之氣不和者其
候眼胞不腫面色不黃飲食如故腹腫可如鼓聲搖其頭面
噯氣是也宜用木香陳皮枳壳甘草服之

脾虛痛者其候面無血氣微黃帶微白大便少而色白治以補
脾開胃爲主用六君子湯九加橘皮

肝木乘脾痛者肝木尅脾七虛不勝其尅則肝氣無所洩故乘
脾之衰而作痛也其候唇白口中色淡面多青色痛則腹連
兩脇重按其腹則痛止起手又痛是也治用四君子湯三十

加柴胡白芍

蛔痛者腰曲撲身口流青涎痛久不歇少頃又痛或一時或時而止或歇半日又痛面黃唇白此蛔痛也治用史君子散穀火煨吃十餘粒少頃又吃卽止以上嬰兒腹痛口不能言何以知之蓋兒痛必哭無故而哭者痛也哭聲雄慘而雙眉蹙皺是也如使君子食之不止不妙於苦練子樹根皮約一二兩許水煎一茶鐘吃下虫卽盡出但體弱者不可輕用又有一種奇痛一痛只大叫幾聲痛七七卽抱胸暈死予家一婢犯此症先君在日子見將婢面撲地用冷水一盆以婢

